

Sakspapir

Saksnr	Utvalg	Type	Dato
042/22	Kommunestyret	PS	16.06.2022

Sakshandsamar	Arkiv	ArkivsakID
Rolf-Henning Myrmel	FA-M10	22/599

Vatn til Førland

Framlegg til vedtak:

Kommunedirektøren vil prioritera lovpålagte oppgåver innan VA og kan ikkje tilrå utbygging av vatn til Førland.

Austrheim Høgre og Austrheim Arbeidarparti finn denne saka for dårleg utgreidd. Me ber om at saka blir utsett og lagt fram att for kommunestyret på nytt 15.september. Då ønskjer me at det vert vist til rekneskapane for vassleidningane til Øksnes, Rebnord, Øyane, Vardetangen – Årås skule, samt dei private leidningane til Utkilen og Krossøy. For Øksnes og Rebnord ønskjer me å sjå kostnadane for både dei kommunale vassleidningane og for leidningane som vasslaga tok ansvar for. I utgreiinga må ein skilja mellom kostnadane for sjø- og landleidningane. Til møtet i september ønskjer me også eit kostnadsoverslag på ein kommunal leidning frå krysset på Solend til busstoppet på Førland Nord gjennom «gangvegen» mellom dei to fylkesvegane på Førland. I dette kostnadsoverslaget bør det inngå ein tilkoplingskum på kvar side av Austrheim-vegen ved busstoppa på Førland Nord.

Kommunestyret ber kommunedirektøren komma tilbake med denne saka innan utgangen av året, og viser til det som er spelt inn frå kommunestyret om ulike punkt ein vil ha utgreidd.

Kommunestyret - 042/22 - 16.06.2022

KS - behandling:

Einingsleiar teknisk drift, Rolf Henning Myrmel, orienterte om saka, jamfør saksutgreiinga.

Ann Kristin Leirvåg (Ap) la fram utsettingsframlegg på vegner av Austrheim Ap og Høgre, og ba om at saka kjem opp på nytt i møtet i september, med ulike spesifiserte utgreiingar og kostnadsoverslag.

Ordførar Per Lerøy (Ap) presiserte at det er eit utsetting med presiseringar, Myrmel sa at det er mogleg å komma tilbake med dette til møtet 15. september i kommunestyret.

Reidar Ulvøy (Ap) spurte om det er mogleg å leggja to mindre leidningar frå kveil heller enn å ha 160 mm leidning som må sveisast bit for bit.

Rolf Henning Myrmel svara på spørsmålet at 110 mm er det største som kan kveilast. Men denne

dimensjonen er for liten med tanke på brannvatn. Myrmel la til at det er ei problemstilling at brannvatn kan vera problematisk opp mot drikkevatn, ved at for mykje vatn vert ståande for lenge i leidningane.

Anne Dahle Austrheim (KrF) sa at saka bør utgreiast betre, og at ein må sjå nærare på kva ein seier ja eller nei til på Førland. Her sa ordførar Lerøy at Ap/H særleg er kritiske til kostnaden på 4,4 millionar for 760 meter leidning, meiner dette kan gjerast rimelegare.

Rolf Henning Myrmel sa at mykje av kostnaden er grøftekostnad, der det er kostbart å leggja grøft langs fylkesveg på grunn av ulike restriksjonar.

Per Lerøy (Ap) sa at møtet 15. september kanskje er tidleg, bør gjerne setta ein annan dato, og oppdatera hovudplanen innan denne kommunestyreperioden.

Kommunedirektør Bjørnar Fjellhaug sa at ein kan prøva 15. september, eller seinare.

Ordførar Per Lerøy (Ap) la fram eit kortare utsettingsframlegg, der ein ber kommunedirektøren komma tilbake med denne saka innan utgangen av året.

Handsaming i kommunestyret:

Utsettingsframlegget vart samrøystes vedteke.

KS - vedtak:

Kommunestyret ber kommunedirektøren komma tilbake med denne saka innan utgangen av året, og viser til det som er spelt inn frå kommunestyret om ulike punkt ein vil ha utgreidd.

Saksopplysninger:

Bakgrunn

Søknad frå oppsittarane på Førland om kommunalt vatn og vedtak i kommunestyret i sak 022/22 om utbygging av vatn til Førland.

Vurdering

Ei utbygging kan utførast etter to alternativ.

Kostnad for prosjektering og anbodstildeling er avhengig av om ein vel alt. 1 eller 2. For alt 2 vil kostnaden for prosjektering og anbudsutlysing/tildeling ligge på ca kr 400.000. Ein har rammeavtale med Norconsult.

Alt 1

Kommunen vidarefører ny hovudleidning dim 160 mm frå Solenkrysset fram til kryss til Austrheimvegen ca 760 m. Den vil inngå som del i framtidig ringleidning vidare fram til Austrheim kyrkje. Leidning til Førland vert bygd ut som privat fellesanlegg av oppsittarane på Førland med inntil 50% kommunalt tilskot slik som til Øksnes. Kommunen kan overta leidningen til drift og vedlikehald vis den vert bygd etter VA normen. Ved overtaking kan tilskott finansierast over investeringsbudsjettet. Vert leidningen ikkje vert bygd etter VA normen må tilskott gå på drift.

Kostnad for kommunal hovudleidning ca 4,4 mill. fram til Austrheimvegen.

Privat fellesleidning frå Solevegen kan byggast ut etter ein lavere standard en det kommunen gjer. Kostnadene kan derfor reduserast ved privat utførsels. Kommunen dekker 50% av kostnadene etter godkjent rekneskap.

Alt 2

Kommunen bygger vassleidning til Førland lengde ca 1960 m. Kostnad ca 11,3 mill. Ved å gå ned frå 160 mm til 100 mm kan røyrkostnaden reduserast. Reduserte dimensjon på leidning må vurderast opp mot at ein da manglar brannvatn.

5.4 Minstedimensjon (VA norm)

Minste dimensjon for offentleg leidning er normalt 100 mm, dersom det ikkje er krav til brannvatn. Minste dimensjon for offentleg leidning ved krav til brannvatn er normalt 150 mm.


Viser og til:

Rettleiing til teknisk forskrift til plan og bygningslova §7.2

Rettleiing til forskrift om brannførebyggjande tiltak og tilsyn

Lokale bestemmelser For Lindås, Austrheim, Austevoll VA , Meland, Radøy, Osterøy, Sund og Øygarden er minste innvendige dimensjon 100 mm.

Kostnadene spesielt på diesel og røyrdelar har auka mykje siste tida, kostnadene i oppsettet vil derfor vere noko usikkert.



Kommunedirektøren vil prioritera lovpålagte oppgaver innan VA og kan ikkje tilrå utbygging av vatn til Førland dei neste åra da ein har store utbyggingskostnader på avløpssektoren. Ringleidning fram til høgdebasseng er heller ikkje ferdig stilt da strekningen frå gamle kommunehuset fram til Åråshøgda 38 ikkje er bygd samt strekning langs Litlåsvegen fram til avkøyring til Fønnes kai.

Konklusjon

Kommunedirektøren vil prioritera lovpålagte oppgaver innan VA og kan ikkje tilrå utbygging av vatn til Førland. Ein vil tilrå og oppdatere hovudplan for VA som vert lagt fram for kommunestyret for vidare prioriteringar innan VA.

